



演山先生文集卷第三十

詞

桂枝香

延平閣閒望

人煙一簇正寄演客飛昇翠微麓樓閣參差下瞰水
天紅綠腰間劍去人安在記千年寸陰何速山趨三
岸潭吞二水歲豐人足

是處有雕欄送目更無限笙歌芳醞初熟休說滕王
看處落霞孤鶩雨中尤愛煙波上見漁舟來去相逐
數声歌向蘆花還疑是湘靈曲

又



插雲翠壁為送日入遙空見山色金鼎丹成去也晉
朝高客百花巖下遺孫在賦何人離塵風骨翠微緣
近希夷志遠洞天蹤跡

近劍有為龍信息恠潭上靈光雷電相擊尤好風波
乍霧鷺汀斜日倚欄白盡行人髮但沉、羣岫凝碧
利名休事蠅頭飛舸送君南北

新荷葉

雨中泛湖

落日銜山行雲載雨俄鳴一頃新荷坐間疑是秋聲
煙波醉客見快哉風惱娉婷香和清點為人吹在衣
襟

珠珮歡言放船且向前汀綠傘紅幢自泛天漢相迎
飛鷗獨落芦邊對幾朵繁英侑觴人唱乍聞應似湘
靈

漁家傲

詠月

通一月而泛詠已侑金卮辨四時而各言未勞
檀板晦朔乃取于盈闕寒暑蓋資其往來羣動
息而忙者閒觀光臺上衆景生而悲者笑窺影
盃中飲闌夢覺則斜月得其情望重意新則初
月致其事是宜括有六義離為七章盡入歌聲
共資一笑

春月

多幸春來雲雨少且教月與花相照清色真香庭院
悄前事杳還嗟此景何時了
莫道難逢開口笑夜遊須趁人年少光泛離欄寒料
峭迂步遶不勞秉燭壺天曉

夏月

汗漫金華寒委地火雲散盡竒峯勢紈扇團圓休與
比犹可喜恩情不怕涼颼至
夢冷魂高何處寄琉璃砌上籠人睡逃暑廣寒宮似
水綠有累乘風却下人間世

秋月

人在月中霄漢遠仙槎乘得秋風便寒信已歸砧上
練衣未翦踈窓空引相思怨
須信嬋娟尤有戀輕飛葉上清光轉寒菊枝頭籠婉
婁人初宴新粧更季鉉華淺

中秋月

三月秋光今夜半一年人愛今日滿莫放笙歌容易
散須同翫姮娥解笑人無伴
抱盡金精來碧漢醉吟莫作尋常看已過中天歡未
斷還同嘆時情已向明朝換

冬月

風入金波凝不住，玉樓間倚誰飛。奔霜艷雪光未競，
素分辨處獨垂餘。意窺庭戶，
強薄羅衣催玉步。美人為我當搏舞，醉到春來能幾
度。愁今古，月華不去年華去。

新月

方令庾生初皎，珠簾鈎上華堂曉。十二欄杆多窈
窕，粧欲妙。玉篔簹偷弄娥眉小。
擾，時人隨兔走。十分皆望菱花照。瑞茨莫嫌生得
少。圓未了。已圓却恐佳期寫。

斜月

已送清歌歸去後，東南樓上八聲悄。冷落尤臨絃上
調。散意少。空將萬感收殘照。
窓外劍光初出鞘。斜窺夢斷人年少。未到蓋棺心未
了。塵慮擾。隻眸竟入扶桑曉。

永遇樂

散雪

朝靄藏暉容。袍驚煖天巧無意香。誰知包含造化
忽作人間瑞。兒童歡笑忙。束花下便飲九春和氣。急
拏舟高人乘興。江天助我幽思。
續。紛似翦。崢嶸如畫。莫道冬容憔悴。恍象含空塵無

一點疑在天宮裡酒樓酣宴茶軒清翫且待桂華來
至有餘光明年待看明紅暗翠

又

冬日席上

天接重雲月臨殘臘時有幽意化作瑤池紛々戲蝶
一色非人世無情征鴈乘風南向長望有情難寄暖
驚梅先傳芳信夜來萬寶春至
中齊勝境東藩和氣自有名園佳麗一夢休嗟三千
好客何處尋珠履小堂人靜樽前清晝好惜歲華逝
管絃中金盃更勸朱顏皓齒

驀山溪

臘日遊堯山

春前信息到處歡聲滿旌旆出西郊擁笙歌婣娟兩
畔東巡事往空有雪中山仙取悄古風間謾動吟人
嘆

天邊身世况值重華旦擊壤高遺民想如雲望中不
斷功名休論齊楚共唐虞開口笑插花歸更候清秋
晚

喜朝天

臘中雪後東湖間宴

雪雲濃送愁思衾寒更怯霜風惹起離恨為光陰惱
人意無窮誰省年華屢換漸作箇浮生玉鬢翁休易
感新醅泛蟻且共時同

相逢笑語相契况駕言遊處山裏齋宮寂寞時候自
有韶景粉澤冬容先頽麗人期約痛賞候花開洛城
紅三十日回頭過盡喜對春工

錦堂春

翫雪

天女多情梨花碎翦人間贈與多才漸瑤池漱灑粉
翅徘徊面凝不禁風力翳人飛去還來最清虛好處
遙度幽香不掩寒梅

歲華多幸呈瑞泛寒光一樣仙子樓臺雖喜朱顏可
照時更相催細認沙汀鷺下靜看煙渚潮回邊青娥
趁柏鬪獻輕盈且更傳盃

霜葉飛

冬日閒宴

誰能留得年華住韶華今在何處萬林飛盡但驚天
篆半空無數望消息霜催鴈過佳人愁起雲垂暮就
綉幕紅炉去金鴨時飄異香柳腰人舞

休道行且分飛共樂還一歲見景長是歡聚大來芳
意既與名園是花為至翠娥說樽前笑語來年管取
人如故向寂寞中先喜俄頃飛瓊化成寰宇

水龍吟

方外述懷

五城鎖奇書世間睡裏無人喚家々自有月中丹
桂朱衣仙子能駐光陰解留顏鬢引君霄漢便西歸

休夢華胥國約無限烟霞伴
誰是採真高士幻中尋取元非幻時人不為玉峯三
秀塵緣難斷莫說英雄萬端愁緒夕陽孤館到流年
過盡韶華去了起浮生嘆

蝶戀花

牡丹

每到花開春已暮况是人生難得長歡聚一日一遊
能幾度看看背我堂堂去
蝶亂蜂忙紅粉妬醉眼吟情且與花為主雪怨雲愁
無問處芳心待向誰分付

又

兵到濃時春不住昨夜雕欄放了花無數談笑急邀
吟醉侶青娥也合隨軒去
媚恐情生嬌恐妬今日閑罇多幸無風雨休唱宴瓊
林一句來年花共人何處

又

東湖

南北兩山驕欲闌中有漣漪莫道壺山小落一情懷
臨漂渺駕言來處鈴齊悄
行到桃溪花解笑人面相逢競好窺寒照醉步欹斜
西日少欢声猶唱多情調

又

高下亭臺山水境兩畔清輝中有垂楊徑鷺點前汀
供雲景花乘流水傳春信

不醉無歸先說定醉待言歸又被風吹醒月下壺天
遊未盡廣寒宮是波中影

又

杳々晴虛寒漫漫放下塵勞相共遊銀漢便入醉鄉
休浩歎神仙只在雲門館
飲具偏宜流水畔時有紅葉落在黃金盞鷺未忘机
移別岸畫舫更上前汀看

又

水鑑中看尤未老乘興擎舟更向湘江過俯仰太虛
都一箇九春風思誰吟到
閒上釣臺雲外坐待得金鱗始放芳樽倒醉後言歸
猶更早素纖有數君須道

喜遷鶯

表海亭冬日閒宴

雕欄閒倚瑞雪霽澣出人間金碧下想名園芳心多
少欲占九州顏色洞開路入丹藻自是神仙真宅寒
吟外看歌雲舞雪光陰難浣

誰共懷古意東海一老居易頭垂白自此英雄功名
相徃空有寂寥遺跡聖賢電拂休笑離合許多賓客

使君樂與人同且對雲門斜日

宴瓊林

木香

紅紫趁春闌獨萬族瓊英尤未開
罷問誰共綠幄宴羣真
皓雪汎膚相亞華堂路小橋邊
向晴陰一架為香清把作寒梅看
喜風來偏惹

莫笑因緣見景踣春空
榮稱亭榭助巧笑
晚粧如畫有花鈿
堪借新醅泛寒冰
幾點持今日醉尤飛學翠羅帷中
卧蟾光碎何須待還舍

宴春臺

初夏宴芙蓉堂

夏景舒長
夾天清潤
高低萬木成陰
曉意寒輕一聲

未放蟬吟
但聞鶯友
同音
醮華堂綠水中心芙蓉都
沒紅粧
信息終待重尋

清冷相照
邂逅俱歡
翠娥擁我
芳醞強斟
笙歌引步
登臨更向遙岑
卧影沉沉
自風來
與客披襟
縱更深
歸來洞府
紅燭如林

演山先生文集卷第三十一

詞

雨霖鈴

送客還浙東

天南遊客甚而今却送君南國薰風萬里無限吟蟬
暗續離情如織秣馬脂車去即去多少人惜為惠愛
煙慘雲山送兩城愁作行色

飛帆過浙西封域到秋深且艤荷花澤就船買得鱸
鱖新穀破雪堆香粒此具誰同須記東秦有客相憶
願聽了一闋歌聲醉倒拚今日

桂枝香

重陽

醅醕初熟競看九日西風弄寒菊
姝子新粧向曉淡黃千簇清香
鬧處君須住
搵盈頭醉鄉相逐
馬臺欢笑
龍山從逸佳話重緒

共盡日登臨未足更休問
明年浮世榮辱難得良辰
鬢髮見秋尤綠且邀月照金樽
上近人寒如對飛瀑
宴歸還趁人來
茱萸佩垂紅玉

喜遷鶯

端午泛湖

梅霖初歇乍絳藻海榴爭鬧
時節角黍包金香蒲切
玉是處玳筵羅列
鬪巧畫輸年少
玉腕綵絲雙結
艤綵舫看龍舟兩
波心齊發

竒絕難畫處激起浪花飛
作湖間雪畫鼓喧雷紅旗
閃電奪罷錦標方徹
望中水天日暮
尤見朱簾高揭
歸棹晚載荷花十里一鉤新月

洞仙歌

暑中

亂蟬何事冒暑吟如訴
斷續聲中為誰苦
陣雲行碧落舒卷
光陰秋意爽
俄作晴空驟雨

明珠無限數都在荷花疑是
星河對庭戶
莫負晝如年况有清樽披襟坐
水風來處信美景良辰自古難
并既不遇多才豈能歡聚

又

香無風色腸斷蓮花信水鑑雲垂數峯影向勞生苦
寒暑煎人爭不老空想秋堂夜靜

玉姬揮皓月時送微涼莫吝金卮為伊盡柳下夕陽
收傍水重遊花茵上雪回襟冷問避暑者天机自有竒
人但且對湖光世間誰醒

又

七夕

世間言笑天上誰歡聚河漢涵秋靜無暑望丹霄杳
杳雲幄俄開緣會遠空引時情萬縷

綵樓人送目今夕無雙巧在靈絲暗相許爽氣御西
風衆樂難尋乘槎看鵲橋初渡過幾刻良時早已分

飛向月下何辭十分芳醕

八聲甘州

初秋

化工多事了却收天巧都與西風數峯雲如掃間垂
六幕初見秋容昨夜煩襟頓釋一雨洗遙空偏有銀
蟾好千里人同

引起遊人多感為靜中景色悲思無窮傍雕欄懷古
誰問紫元翁也難逢金華時候又豈知幽會水精宮
塵緣滿指煙霞去多在江東

滿庭芳

詠浮橋

瓊館烟輕銀河風細玉橋雲鎖方開曉虹千丈宛轉

下天來人在水精宮裏行樂處錦繡成堆仍相問人
間天上何處有蓬萊

徘徊追往事征南巧架傳野懷才謾石驅東海沙合
龍臺好是樂成初宴紅牙碎聲隱晴雷江天晚遊人
未散莫放隼旗回

宴瓊林

上元

霜月和銀燈乍送目樓臺星漢高下愛東風已暖綺
羅香競走去采車馬紅蓮萬斛開盡處長安一夜少
年郎兩、桃花面有餘光相借
因甚靈山在此是何人能運神化對景便作神仙會

恐雲軒且駕思曾侍龍樓俯覽笑聲遠洞天飛鞚向
東來尤幸時如故羣芳未開謝

又

東湖春日

遽煖間俄寒妙用向園林難問春意萬般聲與色自
聞雷便作浮華人世紅嬌翠軟誰頓悟天机此理似
韶容可駐無人會且忘言間醉
當度仙家長日向人間、看佳麗念遠處有東風在
夢悠、往事桃溪近幽香遠、謾凝望落花流水桂
華中珠珮隨軒去還送賣花市

又

牡丹

已覽遍韶容最後有花王芳信來報魏妃天與色擁
姚黃去賞十洲仙島東君到此緣費盡天机亦老為
嬌多只恐能言笑惹風流煩惱
莫道兩都迴出倩多才吟看誰好為我拈有如花面
說良辰欲過須勤向雕欄秉燭更休管夕陽芳草筭
來年花共人何處金樽為花倒

滿江紅

東湖覓蓮

綠蓋紛紛多少箇雲霄仙子應是有瑤池盛會艷粧
臨水無柰輕盈風信急瑞香亂翠紅相倚誰共吟此
景竹林人挑溪士

時雨過明珠細朝霧染香腮膩輕舟破幽徑煩襟都
洗第一朶須尋華池景壽觴邊偶得龜千歲乘興瀉
雲液落新荷休辭醉

減字本蘭花

競渡

紅旗高峯飛出深々楊柳渚鼓擊春雷直破烟波遠
遠回欢声震地驚退萬人爭戰氣金碧樓西銜得錦
標第一歸

瑤池月

雲山行

紫元翁一日公餘危坐寂寥幽懷逸思偶往雲
山烟波之間想見其為樂也因作雲山烟波二

行歌之以瑤池月精嚴禪老請刻之石乃書以
遺之

微塵濯盡棲真處羣山排在雲漢青盤翠躍掩映平
林寒澗流水急數片桃花逝自有留春仙館秦漁問
前朝換廬即待今生滿誰伴元翁笑語相送未晚
更安得世味堪翫道未立身尤是幻浮生一梭過夢回
人散卧松庵當會靈源現萬象無中須看乾坤鼎陰
陽炭瓊枝秀金圓爛何患朝元事往孤雲雜管

又

烟波行

扁舟寓具江湖上無人知道名姓忘机對景咫尺羣

鷗相認烟雨急一片蓬聲碎醉眼看山還醒晴雲斷
狂風信寒蟾倒遠山影誰聽橫琴數曲瑤池夜冷
這些子名利休問况是物都歸幻境須臾百年夢去
來無定向嬋娟留住青春笑世上風流多病蒹葭渚
芙蓉徑放候印趁漁艇爭甚須知九鼎金砂如聖

蝶恋花

月词

伏以念欢闹宴奉樂園之賓朋對景攄懷待良
時之風月此者偶屈三益幸逢四并六幕星稀
萬櫺風細天祭金精之含蓄地揚銀色之光華
遠近萬情若知而莫詰滿虛一色可攬以 將是

故無累而翫之者喜樂之心生不足而對之者
悲傷之態作感羣動以無意涵長空而不流對
坐北堂方入陸生之牖共離南館便登韓子之
臺願歌三五之清輝誓倒十千之芳醞

忽破黃昏還太素寒浸樓臺縹緲非烟霧江山分明
星漢路金銀閃々神仙府

影卧清光隨我舞邂逅三人只願長相聚今月亭々
曾照古々人間月今何處

又
滿到十分人望盡仙桂無根到處留光景聽我樽前

又
歡未竟金卮已弄寒蟾影
銀色界中風色定散了浮雲空匣初開鏡歸去不須
紅燭引天邊自與人相趁

又
古往今來忙裏過今古清光靜照人行道難似素娥
長見好見頻只是催人老
欲駐征輪無計那世上多情却被無情惱夜々鳥飛
誰識破蒲頭空恨霜華早

又
俄落盞中如有戀盞未乾時還見霜娥現說向翠鬟

斟莫淺，慙慙此意應相勸。
光景尤宜年少，面千里同看，不與人同怨。席上笑歌，
身更健。良時只願長相見。

又

千二百回圓，未半人世悲歡。此景長相伴，行到身邊，
瓊步款金船，載酒銀河畔。
誰為別來音信，斷那更蟾光一點，窺孤館。靜送忘言，
愁一段，會須莫放笙歌散。

又

人逐金烏忙，到夜不見金烏。方見人間暇，天漢似來。

樽畔瀉須知，間暇歡無價。
銀色滿身，誰可畫兩腋，風生爽氣，駁馬待入蟾宮。
偷造化，姮娥已許仙方借。

勸酒致語

適來已陳十二短章，輒歌三五盛景。壘、清韻
尚慙梁上之飛塵，抑、佳賓須作鄉中之醉客。
同樂當勤于今夕，相送或繫于他年。更賦幽情。

再聲佳詠

萬籟無聲，天地靜清。抱朱絃，不愧丹霄鏡。照到林梢，
風有信，擡頭疑是梅花領。

萬感只應閒對景，獨倚危欄，擾擾人初定。吟不盡中
愁不盡，溪山千古沉、影。

又

誰悟月中真火冷，能引塵緣，遂出輪回境。爭奈多情
都未醒，九回腸斷花間影。

萬古興亡間事定，物是人非，杳杳無音信。問月可知
誰可問，不如且醉樽前景。

又

忽送林光禽有語，飛入遙空，失素歸洲鷺。照處無私
清望富，餘輝不惜人、與。

玉繩欲到中，天路且待飛觴緩。移瓊步花下，影圓
良夜午，東南樓上還相顧。

又

一望瑤華初委地，更約幽人，共賞巖邊翠。試把萬
語聊共試，無情爭得無中淚。
飛瀑恐送星漢至，漸向賓筵，但覓寒如水。自愛一輪
方得意，輕隨箕累還成累。

青門引

社日遊雲門

鴻落寒濱，燕辭幽館，西成萬室，顰眉人少。自古雲
際洞門，何處南望，數峯秋曉。千騎旌麾遠，去尋真
忙中。

心了佩声盤入烟霞绝顶谁闻欢笑
當候青童相報因待訪仙人長生微妙置俎爭來四
鄉宴社且看翠圍紅透似可捫青漢到北扉兩城斜
照醉翁回首丹臺夢覓鈞天声杳

蒲路花

和秋風吹渭水

乾坤生古意草木起秋声移人名利境夢中驚便尋
灵宝鳳髓典龟精密報黃芽就紫府門開道情有箇
鶯

問歸含楚山青卧影水天明松庵誰笑話見還嬰鶴
歸日落聚兩忘情好笑人癡處白頭青塚世間猶說

醒醒

演山先生文集卷第三十二

挽辭

神宗皇帝挽辭

奔逸三王後憂勤七閏間
生靈千載會造化一朝間
空致盤中露應尋海上山
鳳凰人恐到不趁御龍還
一息指朝野春煇日正中
月明宮怨滿天遠世緣空
勇智貽王業文章紹帝風
生民瞻不及終日向遺弓
集英春又到間了萬年觴
曉鼓催措殿悲風助挽郎
帝符歸有道仙仗去無方
誰念頻回首諸生淚兩行

迎駕監前
屢回天顧

國治心方壯進班世忽非鼎中龍蜿々陵上柏依々
物外音何情人間夢亦稀少陽來侍宴天意已知微弔
秋宴集英神
宗引皇太子

忽自明庭去風高帝所寒有期修玉檢無處覓仙丹與
子基圖遠開天數度寬錦幟何以報空展賜詩看

哲宗皇帝挽辭

忽追班入未央宮急問宸遊早御風流俗豈知塵念
斷故嬪休嘆愛緣空還元精爽留天下復土声灵在
虜中来自武夷歸去否幔亭聞說好如嵩
數行空下侍臣班十六回春一夢闌天意預形傳國

墨人生難望返魂丹銀河寂々星垣暗金闕冥々羽
衛寒月色滿宮帷悵望春來無處接回鸞
何事騎龍不可攀衣冠空自在人寰詔遺夷夏秋容
動言付公卿玉几間能使抱子號百姓豈勞求藥問
三山元符事業誰相似兩漢須看鳳露間

欽慈憲肅皇太后挽辭

懿範存遺詔香塵守澣衣中天扶日上西邸引龍歸
方慰人寰望那知世路非仁恩和夜月千古在慈闈
相門陰德遠天妹儂周文還政前期速求賢內助勤
仙丹尤訪道金闕已乘雲紫極空回首虞號慘日曛

聽斷簾方捲遺留事已傳繼承知有後建立許誰先
救弊趨中道論功列上仙九重空怨慕霜露鳳臺前

欽慈皇后挽辭

夢中懷日有誰知莫恨真人下降遲會合裕陵同祔
處二陵同因緣潛邸獨飛時九霄重引真仙仗四海
初傳大母儀悵望鳳臺山下去東郊無計上金卮臣

兩詣東郊獻酌

平日未霑天下眷芳春先棄域中遊昔泛內令任思
順今起東殯舜解憂衣在果聞成赭色書存尤喜見
銀鈎恭承文墨長于欽慈尤懿園故事誰攀得再幸仁皇御九

州章懿陵園步數今用其故事

已傳龍德與承休果在丹臺不可留新冊却埋千古
玉舊恩重起六宮秋尊開園步松雲遠榮到支陵兩
露夏三十六宮休說恨誰知先作裕陵遊

曾魯公挽辭

曾侍前星在玉霄競為元老立清朝重遊西府羈羣
虜危坐東臺鑿庶僚擾々萬緣留事業恁々千載想
風標傳家已有蓬萊客何患于門到寂寥

王岐公挽辭

世事今朝了天閭昨夜開自當騎鶴去誰更作霖來

薨前夢跨宝座扶初日灵光落上台管絃空帳望重
蓋幾時回

貳車登第日秉軸蓋棺時未掩西陵土先埋上相碑白
麻人已化黃壤客室悲歲晚林間趣歸侯想恨遲
鼎味難求和龍髯忽許攀應隨先帝仗已立太師班人
散沙堤消息收客館間風神巖兢秀千古畫圖間
富貴風波靜文章態度清有緣登相府無日出都城
彝鼎垂行止金珠照死生百年留不住廣阜暮煙橫

秦國夫人挽辭

三封皆大國三號一子已重金位到西樞重春歸寸

草深榮華緣斷忽寂寞路難尋愁入韋溝境回頭月

滿林

偕老人惆悵秋深鴈獨哀西風何處問北首幾時回
白日晞朝露黃埃掩夜臺已辭班第一內殿不須催

夫人常為
命婦班首

慰使來三殿澆觴走百官送行千乘富歸宿萬家寬
自今騰空從誰能入定觀曉堂終不見誰展佛書看
夫人素
耆佛書

安康郡夫人挽辭

未滿中身壽尤虛大國封德明埋玉篆魂冷卧銀龍

上以水銀
龍腦賜斂
漳水恨涵月
秋風悲入松
塵寰應不住
無處訪遺蹤

俄拋中饋世緣空
君子休悲老未同
不負大寧身後
計道山人步凱風中
大寧郡夫人安康之女兒方其疾篤以今秘閣李士為託

堂、歸處魏公家
總飾笄珈日未斜
蒿里數聲留不
得豐安松下早聞鷓

郭將軍挽辭

新里秋聲不悉聞
昔埃千古宋將軍
東兵二百今何在
尤有西人想似雲

起、汾陽十世孫
曾中竒業與誰論
蓋棺雖愧凌烟

閣尤有著豪說
日思

佛書看盡更何憂
不怨生前未是侯
日到中天春夢
斷御風歸去玉華秋

顧季正挽辭

行人緣斷絕
吊客淚縱橫
白髮誰親重
青衫一命輕
仙丹誰際會
禪頌自分明
去住無尋處
今生與後生

夫人陳氏挽辭

曉來悲接夜來歡
安不人驚夢不還
已御翔鸞天上
去委形空寄古樓山

寶奩人去月空寒
百歲榮華忽蓋棺
萬葉遺經香一

篆日華簾下與誰看
北堂旁立兩青衫六十春風慳笑談追遠亭前思不
見怨隨霜露滿山南

陳朝議挽辭

簫鼓聲中遠，歸只因千里有庭闈彭城君在今休
望黃髮樽前看綵衣

六擁旌麾一夢闌陳公橋上小棠間掛冠桑梓情尤
厚誰愧遺形葬客山

從來風義不憂貧累行纒踰七十春世上榮枯漚影
散進階空有帝綸新

信到溫陵不忍聞使君何往盡沾中最高仙桂君家
物更起鬻堂遺里人
未及歸來且勝遊忽聞庭木已經秋羅源三十年遺
愛今作還山一日愁

俞法曹挽辭

一息秋來誤壯圖揚名聲後喜諸孤平生樂易歸何
處恐遂清風落有無
樽前故日歡尤少世上光陰惜未終去歲書來曾說
夢攀龍應御九天風

陳達榭母氏恭人挽辭

百度韶華少一年有誰堂上可爭先錦衣養志歸來
早報了春暉已獨賢

眼明身健莫扶持遽向華堂看綵衣已共月明無認
處孝思休踴蓋棺時

方考稽母安仁縣太君黃氏挽辭

文科名峻歸寧日鄉部官高致卷時固極是恩誰報
得更緣霜露有餘悲

八十三年婦德成綵衣欢笑過浮生含虛臺上尋仙
侶瀨口愁人月自明

來處緣應異歸時壽已稀校讎孫繼子無限是春暉

數終還是福道盡更何言子到康民處方知鞠首恩

壽安太君挽辭

榮知隨養去恨向蓋棺歸故里三千遠浮生七十稀
壽安享年六十有七曉臺空匣鑑秋露謾沾衣相伴勤田上殘
蟾與夕暉

章銀青挽辭

八十六年盡窻中丹未成貳車歸去勇官自通判棄
辟教老來清寂々水天境公葬悠々春露情揚名尤
有子身後許誰爭

悼張公實

六十二年素自知人生如此更何疑公實與予會于京師自推其數
六十三歲過則行七十年果卒于六十三調談常為供狂笑騷雅偏能斷
小詩悼予香冥歸往路悔予輕易別離時水雲村記
相期事雖到家山已恨遲水雲村記與公實為方外之約也

悼陳伯修殿院

塵勞常共笑忽遽忽相違已失重歸約應無再見時
短長前事定來去幾人知陰籍更何累惟餘身後悲
喜送揚子過江湄惹起淳生一段悲不見武林吟笑
侶却來京口看銘詩
少年科第少能攀未及登庸夢已闌豈意蓋棺尤有

地于飛同在戲魚山

悼陳先之博士

五行總悟已忘筌妙旨知誰更得傳夢幻去時無別苦
旌幢歸處有前緣寂寞月伴松楸室悽愴人逢雨露
天尚記辱書來見報春回寒谷未踰年

悼李承議

去後家山安未闌已聞忙蓋旅中棺幾多言笑情先
斷些小窮通夢已殘友愛方嗟離別易子賢休恤繼
承難曾相送處應留恨未結松庵棄外觀予南還焚
待次鄉里相送臺款予在被旨薦已知以潛夫應詔未
幾潛夫被呂次撫州予在親識宴集中忽聞其訃

哭陳商老

浮雲前事定壯志此生休夢冷水中月文高天上樓
李白捕水冥誰造物哀自封侯南國一緘破西
中月向往冥誰造物哀自封侯南國一緘破西
風雙淚流

演山先生文集卷第三十二

演山先生文集卷第三十三

墓誌銘

中散大夫林公墓誌銘

公諱積字公濟其先比干之後莫知其所由來唐末
避巢寇之亂走延平白泉山中遂世家尤溪曾祖日
扶祖仁就考商不仕商累贈中大夫慶曆六年公舉
進士中乙科尤溪未常有仕進者自公倡之後遂有
人始為循州軍事判官縣解強盜五十八公再訊得
其情坐罪而黥者三十餘人其他釋失憲司意欲薦
公而罷公曰吾失一薦而得生者五十八復何憾哉

改大理寺丞知湖州安吉縣被謗坐出謀殺罷官為
通州監稅知吉州安福縣改殿中丞安福江西之劇
邑面折訟日數百紙不下吏無留獄邑子弟少向學
公召其父元開諭義方建學以延之用是有登第者
道士張嗣宗率其徒由龍虎山而來自稱漢師君二
十六代孫持銅印出符錄其文曰陽平治都功印所
至風逆有欲必得公探其偽而治之案後漢劉焉及
魏志張魯傳以弊其獄言自東漢張陵作符書惑百
姓謂之米賊陵傳之衡傳之魯漢道既衰而邪說
鬼行于天下力不能討故魯據漢川垂三十年

有曹操之強然後委質操斬衡于陽平關則所謂陽
平治都功印乃賊物耳以為能與吾民却禍而邀福
不亦妄乎而况方今天下有道豈容漢末所不能制
之妖賊亂民間上與吾政事相為利害者邪于是力
究其弊奏毀印廢恩例勢要或為之地莫能救江左
妖學遂熄知真州六合縣為橋梁以濟人新孔子廟
以延學者開陂塘三十六以興瀆洩灌慨之利有以
權勢求來田者公執而不與抱恨而去自是見知于
王荆公常誌其能改太常博士赴闕荆公是時方知
制誥相遇于道送者告言太博避馬于道側荆公揖

曰豈非為六合太博乎公曰然荆公喜揖之曰誌公之能久矣請訪于私舍公卒不及往然而荆公常稱之用覃恩改屯田員外郎繼改都官員外郎賜五品服表賜其少之二親懷歸鬱鬱不樂公謂今日之仕為吾親耳而親不樂焉用仕哉乞監邠武軍稅以便其養得請監司惜其才移權建州建陽知縣有悍民劫盜益民傷而官捕之係其家得者賞以千緡愈久而不獲鄉落驚擾不安其居公至以謂盜無大患見窘而無所容其變益大于是言盜可釋當縱其母妻使之自陳以從新盜果出悔過相誓自今勿為惡

生祠公言公德不可負未幾丁同安縣太君詹氏憂既足昌雪霜負土為墓廬其側中外莫敢干以私手植松柏萬餘本方卜葬有雀三足翔于公前得赤蛇于穴中葬之前一日大雨如注公泣訴于上亨遂霽既封而雨作郡守表于朝詔賜粟帛且旌其孝釋服赴闕權鑄鐫務改職方員外郎為撫州通判移淮南發運司旬當公事提舉廣南東西路銀銅坑冶市舶利害轉屯田郎中民以銀銅入官員負其直且數十萬以故廢業公至出積貨滯財之在官易者而償之坑冶復作課利遂集表乞稟議于朝中道丁中大夫

憂哀感之至如喪同安太君時釋服赴闕旬當汴河堤岸未幾知齊州尋移知泗州泗當賓客之會飾厨傳悅往來郡守之先務也公之為郡無志于悅賓客于往來之譽故其于民事也能精而詳考課遂為一路之最被召神宗顧問良久稱其廉能除江西轉運判官既拜命即訪部吏之賢否得令尹者三人下車如其所聞公首以充薦是故江西之士能者勵才才廉者勵節莫不以為公俄移廣南東路提點刑獄官制行改朝散大夫奏言二廣士人多貧職田厚薄不一欲等均賜以養其廉戶口丁米遠近高下有差

欲增減立文以考諸縣之課瘴土惡弱士大夫不利其往十常七八故常闕官難于差注欲申其賞以恤生命乳香之貨存額甚衆人憚峻法官鬻不售欲寬其禁以發滯財銅冶不下數十歲歲日收委塌官帑官負其直欲摧罷收買且用見支之價以償舊欠運諸滯銅以杜宿姦朝廷行之召權三司廣支判官尚書省成天子選用英才分治曹務除庫部郎中改朝請大夫本部剛定勅令格式公與有力焉上殿奏置揭貼簿以閱天下軍器神宗覽之喜謂如指諸掌移太府寺少卿鈎考財用出入更無所容其姦覃恩

改朝議大夫俄知福州兼本路兵馬鈐轄公方登第時鄉老有夢泛者携角數枝至其家夜度曲且言以迓公後果如其說福多浮屠氏居百姓十六七占沃壤收厚利其富非民產所可擬然而歲之所入不以為象類託于權要易其尤富者而居之謂之買院郡守亦自以取謗公至集郡刹而論之寺望人才各以三為等注之文籍遇闕則隨其材望而定之故諸院取捨皆出于公議雖富僧有私意無所施焉下車及期政行訟簡獄吏稟曰今聽奏者一二人耳前日多于此且寄縣舍以獄空聞于朝公曰既有聽奏者豈

得以為空邪誣上邀譽非予之志也自是僚屬事無小大責實而後告俗多規財為婚不如其欲往遂誣以非理有經歲追不及數而殘辱其父母公聞之久矣適有兩造于庭公諭之以義理正之以刑憲親為告諭布憲屬邑民始知恥畏法不敢為是弊改中散大夫赴詔在道除淮南轉運使自淮以南漕輓尤重于諸路歲歛而財之則貧于發運常平二司故所及尤百餘萬部封之廣屬吏之衆太察則怨少寬則慢使者多務姑息養譽苟度歲月而去公至督促倚辨率用中制百廢具奉元祐六年六月七日得疾卒

于山陽之官舍年七十有一明年十一月十七日葬
公于黃龍山先娶陳氏六子長曰叔建州建陽縣丞
次曰取汀州司理參軍曰及少亡曰極曰帑曰毅皆
治儒孝二女長適霸州軍事推官吳擇次適吉州廬
陵縣尉韓用章再娶徐氏一子曰又假承事郎四女
長許嫁進士徐敏餘尚幼公之遇事勤慎而精審事
無小大預為條目故其處繁若簡吏無所容其姦公
雖尚儉然而買田割俸以給族人之窶者赴長樂過
家上塚與其鄉老族屬置酒相聚以叙其情則其恩
文不至于絕滅公嘗謂裳自釋中大夫憂至京一日

見王荆公出其所錄天下之才吏指某之為某縣有
是能為某縣有是德相與其甚厚然而公之見荆公不
甚數亦不能遷合故其用止于此省寺官類借職事
見執政志在于習熟同緣以見知公為郎卿時某事
當有所稟而後往有進取者諭公以勉裳數遊公卿
門下公謂予笑曰吾之病也豈敢以勉公邪故裳知
公尤詳為之銘曰

公自一邑

要人器之

稍振發

天子有之

分符而使

持節而使

為郎于省

為卿于寺

皆有能名

其崇以義

近世風節

寢以衰落

勢利在前

或窺或搏

奔走權要

乃析乃托

公獨不然

未常數

由公而歸

閉門自樂

公之取捨

終始如此

熙寧元豐

有此佳士

朝散郭公墓誌銘

元符己卯仲秋之庚寅朝散郎郭逢原字公域終于
京師之甘泉坊九月丁卯其孤奉葬開封縣新里鄉
張村先塋之側公域之先出汾陽王後高祖葬開封
遂為開封人生超為鄧州團練使超生守信為右侍

禁守信生父慶宗初用名臣之後補京兆府文孝泰
軍文正范公忠獻韓公薦其材武換授右職至副供
備庫使生公域少年力孝自奮既冠登進士第主泰
州成紀縣簿以遠于親乃求侍養後二年調處州稽
雲尉丁其母李氏憂致哀如禮熙寧初從王文公遊
文公器之累辟掌法書局修三司勅諸司庫務歲計
司農寺條例李衛公兵法元豐勅令格式 神宗皇
帝由是知名召對便殿結其所修要目條對明白奏
言李靖軍法此載其大略耳神而明之實存乎人
神宗俞其說特改大理寺丞後進九軍營陣圖被旨

按閱既而丹對有旨除館職後叅李憲問軍既事沮
于言者除知國子監丞修太孛窺知將作監丞公事
知河南府壽安縣入為太常寺奉禮郎遷殿中丞官
制行換奉議郎進秩承議元豐七年丁其父憂釋服
會司馬光執政以為元豐黨人閒居久之請受監倉
遷朝奉郎俄除磁州通判公域素豪邁達官要人皆
喜典之遊是時內相蔣公時以巡轄邊郡致之鎮陽
中書張公定武樞密韓公公域至必優游樽俎間論
事道舊累日而後去知恩賜五品服加上輕車都尉
遷朝散郎除鎮戎軍通判下車講究禦戎利害之說

有如今日之策鎮戎小壘幕掾相習苟簡公域至奉
其不職者因以得罪公域博覽強記善為文章尤長
于詩藏書數萬卷得一書不計字多寡必親錄而手
校之心記其統類及接賓朋以文酒談論如流牽援
證據出入百家傳記之中貫穿今古至于醫卜伎藝
樂師膳夫之法亦無不覽隨問有應惜乎公域素豪
于氣不能與人相為俯仰有犯之者雖權要必折故
其仕宦進寸而退尺晚節矢志寓窮巷留意佛教訪
祖道不飲酒不茹葷屏去声色一日布巾野服訪予
于南第問予釋氏所以談禪其旨安在予瞪目以視

之公域悟其旨方將專氣致柔稍進乎道柰何其數
至矣有文集二十卷古律詩二十卷奏議二十卷藏
其家享年六十贈父朝散大夫贈母孝感縣太君娶
蘇氏為宜芳縣君贈金紫光祿大夫才翁之幼女男
二人曰羣以承務郎知解州解縣事眾先卒女三人
一許嫁右職葛迥餘亦先卒既叙而銘曰

天下之士

多流乎世

或以才孝

睽遠于道

或以名位

變更其志

公自失官

留心定慧

方悟本來

不容私智

雖則流落

于沒何恙

承事陳君墓誌銘

君諱士傑字英伯高祖避唐季亂自光州趨溫陵始
為晉江人三世有佐、有錫、有成之成之有士傑
成之治生雄于財益向佛為善既逝士傑殮金千萬
作佛事成先君之志弟妹方幼君撫育而訓之婚嫁
恩義甚厚生業既富慨然歎曰有限之生豈可弊于
無窮之欲乃奉家事付其弟以恬養性盡日邀賓朋
列樽俎笑歌以自適孝友寬厚樂施與勇為善事喜
道人所長多飲而寡愠鄉党宗族稱為長者好儒士
率子弟送師友應接惟勤不顧勞費自謂持心如

必有以文孝起吾家者子六人詳評証謨諤而詳
果擢第察人情曉更事年少而寬大有老成人之風
予有子歸烏弟士俊見友甚篤先亡君如失左右手
晝夜撫棺以慟竟以哀感得疾卒于建中靖國元年
孟春之六日行年五十有四奉議郎王景純以女妻
之再娶其姑之子王氏五女一適縣令梁某二為尼
餘皆處子孫一人崇寧二年三月五日葬于晉江之
崙山為之銘曰

致富而身投閒弗沉于俗好儒而子擢第弗違
其欲徃復何憾崙山之腹

夫人陳氏墓誌銘

延平沙陽陳氏有女今為汀州宣化縣主簿俞備之
妻宣德郎漳州通判括泰州泰興縣尉授之母元豐
六年仲冬之九日卒于宣化之官舍享年六十卒之
夕與其家人飲酒語笑安平如故夜分而寐家人及
曉問安夫人已化去矣徹其衽席祭其篋笥葬服薦
資無所不具家人始知前此數日與其語言悲疑皆
其所以付託道別之意不欲以明告我也明年季冬
之某日歸葬于翔鸞鄉禮賓里古樓山東南之原宣
德郎節度掌書記狀其事使來求銘而予慨然歎曰

古為孝佛之士以謂無常迅速或以清淨持戒或以超悟傳法類能勞其形骸騁其言說予皆未究其實徐觀其化而已然其脫然以往如委脫然罕見其人多為緣類所牽形氣所制為求造化而不可得或者有能忘累棄制必由疾而後往亦已勞矣是皆內久于迹者也聞夫人之化豈無愧哉夫人自少奉佛中年益篤多不茹葷持誦終日無妬忌之心飾妾婦以奉君子與人無忤見善如己所有內外親屬趣或不同皆能和全之得其歡心為女及婦晨昏之間甘旨之饋盥櫛之奉厨爨之後躬服其勞未常有厭色甘

苦休戚相間于娣婦是以主簿與兄某雖少而孤同居共財二十餘年義不可析主簿方為季時罄所有之資下教其子甚嚴是以主簿與括授相繼登仕夫人若固有者有一女豪右求之郡人曹格家貧而有文夫人與格而外豪右未幾格登進士第今為宣德郎知邵武軍光澤縣親故始以格貧為言後服其識男四人長曰括次曰授次曰振季曰舟振應進士舟偕一女先夫人而卒孫男四人孫女三人嗚呼夫人之所化者予不得而誌之誌其顯者如是為之銘曰夫達于晚節子榮于少年鄉閭尊之夫人之緣

女孝于親閭婦順于夫室族屬樂之夫人之德
立德以貽棄緣而歸笑聲既闌酒盃未乾長寐
不甦寂然無擾夫人之道云誰能考

太原居士墓誌銘

昔有王氏務琨由河東來為長溪令遂不復去六世
有文昉詣闕獻萬言除著作佐郎為蜀中官以其甚
遠弗就為山林計錄書萬餘卷以示厥後七世有粟
承志不仕八世有度得祖所錄書而讀之天聖中應
舉天府不第有子熾庶字天休少而嘆曰吾祖有志
而無命安用有涯之生而困于不可必之徇哉壯而

改曰世為儒家者流以噎而廢食可乎遂教其子應
中帥族之賢有力者闢齋舍致師友鄉人子弟教無
師居無舍者皆得以趨焉熙豐中天子銳意教育
兩促應中為太孳遊應中請以侍疾在側乃曰汝以
務孳而往固承志也吾死何憾應中之材由是有聞
于士大夫間甲子之朔歷年有七十矣聚其族人而
告之曰吾生于三月之十七日當復以此月而遊人
皆恠其統前期一日詣沐浴具冠帶飭凶具及寢伺
明而化居喜施于多寡隨所求或不足繼則稱貸以
應之間里無醫自窮黃帝書列雷公法具藥劑不擇

人而救之則其化也亦其所養之至歟有孫一人南
玉幼女歸進士楊臻有甥二人彥國彥強應進士奉
乙丑某月葬于山南之北崗使來求銘為之言曰

日之升矣

君還于幽

物之作矣

君休于常

前溪悠々

後山巖々

孝思不忘

是乃懿嗣

演山先生文集卷第三十三

